

KUIITTHO taja empat graduan Yogyakarta

Um 26/7/06

BATU PAHAT 19 Julai - Kolej Universiti Teknologi Tun Hussein Onn (KUIITTHO), di Parit Raja dekat sini menaja empat graduan dari Yogyakarta untuk melanjutkan pengajian di peringkat sarjana di universiti itu pada pengambilan sesi akan datang.

Rektornya, Prof. Dr. Ismail Bakar berkata, pihaknya terpenggil untuk menawarkan kemudahan itu hasil lawatannya ke kawasan Bantul yang paling teruk mengalami kemusnahan dalam kejadian gempa bumi di wilayah tersebut baru-baru ini.

Menurut beliau, rasa ingin membantu itu diperkuatkan lagi setelah mendengar azam seorang graduan ekonomi yang mahu membangunkan kawasan tersebut yang kini serba kekurangan.

"Setelah mendengar kesungguhannya dan apa yang pihak universiti mampu lakukan untuk membantu penduduk Yogyakarta ialah menawarkan tempat belajar kepada penduduknya," katanya kepada pemberita di sini hari ini.

Ismail memberitahu, tawaran itu dikemukakan semasa beliau mengetahui rombongan bersama lapan pegawai universiti terbabit melawat beberapa buah institut pengajian tinggi (IPT) Indonesia selama tujuh hari pada minggu lalu.

Rombongan itu turut dihadiri Timbalan Rektor (Akademik dan Pengantarabangsaan) Prof. Ir Dr. Zainai Mohamad.

Pada kesempatan itu juga, KUIITTHO tu-

rut menghulurkan bantuan RM5,000 hasil sumbangan kakitangan dan pelajarinya kepada mangsa gempa bumi Yogyakarta bagi tiga buah kampung dalam kawasan Bantul.

Ismail berkata, agensi yang menguruskan di sana sedang mencari tiga lagi calon berke Layakan dan syarat utama mereka adalah graduan dari universiti yang diiktiraf oleh kerajaan Malaysia.

Mengenai pembiayaan ujanya, keempat-empat pelajar itu akan ditanggung oleh KUIITTHO dan juga badan korporat sepanjang mereka menuntut di sini yang kemungkinan besar dalam bidang sarjana pendidikan dan teknikal.

Sementara itu beliau memberitahu, lawatan ke Indonesia juga bertujuan untuk mengadakan perjanjian persefahaman (MoU) berkaitan lawatan kakitangan dan pertukaran pelajar dengan tiga IPT di republik tersebut.

IPT tersebut ialah Universiti Pendidikan Indonesia (UPI) di Bandung, Universiti Negeri Malang dan Universiti Merdeka Malang, kedua-duanya di Surabaya.

Ismail memberitahu, MoU itu juga sebagai strategi mengantarabangsakan pelajar universiti dengan dimulakan di negara-negara jiran terlebih dahulu.

"Universiti yang dipilih memang terkenal di Indonesia dan kursus yang ditawarkan banyak persamaan dengan bidang pengajian di KUIITTHO," katanya.



DR. ISMAIL Bakar (tiga dari kiri) menyerahkan replika cek bantuan mangsa gempa bumi Yogyakarta kepada wakil penduduk, Paramono semasa melawat Bantul, Yogyakarta, baru-baru ini.